

Notiser ur Sällskapetets pro Fauna et Flora fennica,  
Förhandlingar. IX. 1868. Musci novi scandinavici.  
S. O. Lindberg.

1) *Bartramia* (Glyphocarpus) *breviseta* Lindb. Synoica, densissime caespitosa, valde fusco-radiculosa, caule densifolio, foliis e basi brevi et obovata fere sensim in subulam erectam acutissimam, margine planam et serrulatam attenuatis, nervo continuo, applanato latissimo, subulamque fere solo formante, seta brevi crassiuscula, inter bracteas inclusa, capsula magna suberecta et regulari, subglobosa, plicata, ore parvo, peristomio nullo vel simplici, maxime rudimentario et irregulari hyalino, laevissimo, sporis majusculis, papillulosis brunneis, operculo minuto, convexo, medio paulo elevatiore, calyptra submitriformi, uno latere fisso. Ins. Maasöe prope Mageröe Finnmarkiae occ. (Th. Fries. S. Henschen.)

2) *Orthotrichum scopulorum* Lindb. Autoicum, caule rigido, foliis obscure viridibus, angustius ovato-lanceolatis, obtusis, margine valde revolutis, carinatis, cellulis omnibus chlorophylliferis, papillosis, seta sat longa, capsula magna emergente, collo ad basin abrupto, cylindrico-oblonga, sicca sub ore strangulata, suburceolata, jugis latis, distinctissimis, ore lato, peristomii dentibus per paria arcte connatis, hyalinis, laevissimis, apice grosse perforatis, cristatis et trabeculatis, linea mediana perforata, ciliis octo a duplici serie cellularum, hic illic appendiculatis, calyptra magna, lurido-straminea, nitidula, glaberrima, campanulato-conica, sporis fusco-viridulis, pellucidis, papillulosis, androecio in ramulo proprio apicali. — In rupib. granit. insul. Kattön, 2 mill. ex oppid. Lovisa in prov. Nyland. Fenniae. (Autor.)

3) *Seligeria crassinervis* Lindb. Autoica, fusca, foliis abrupte angustatis in subulam brevem, patulam, obtusiusculam, integerrimam et a nervo crassissimo solo formatam inferne subcanaliculatam, superne plano convexam, seta 2—3 mm. longa, crassa, leniter curvata, capsula indistincte obliqua, pyriformi, sicca suburceolata, pachyderma, dentibus peristomii acutis. Rup. calcar. mont. Billingen prov. Westergöthland Speciae. (Cleve.)

4) *S. acutifolia* Lindb. Autoica, perparva, foliis viridissimis, superioribus ut et bracteis perichaetii e basi plus minus vaginante abrupte angustatis in subulam subteretem setiformem acutissimam et pungentem fragilem crenulatam nervo totam fere subulam formante, seta gracillima brevissima 1 mm. longa, capsula parva, apices bractearum orificio vix superante, leptoderma, pallida et pellucida, breviter pyriformi, collo brevi, dentibus peristomii brevibus, fere obtusiusculis,

rostro operculi brevissimo, capsula quadruplo brevior, vix obliquo. Rup. calc. ins. Gotland. (Cleve.)

*β. longiseta Lindb.* planta major, seta 2–3 mm. longa, capsula alte emergente, rostro operculi longiore, magis obliquo.

5) *Bryum mamillatum Lindb.* Autoicum, dense caespitosum densifolium, foliis rigidis, erecto-patentibus, latissime ovalibus, breviter acuminatis, valde concavis, limbatis, margine fere ad medium revoluti, superne serrulato nervo crasso, ut apiculo serrulato excedente, cellulis magnis, eisdem limbi in 2–3 stratis dispositis, capsula pendula, plus minusve turgido-pyriformi, brunneo-lutea, opaca, pachyderma, sicca rugulosa et sub ore minuto leniter constricta, operculo convexo-plano, mamillato, peristomii dentibus rufescentibus, processibus e membrana basilari, supra medium dentium producta, angustissimis, e dentibus liberis, ciliis subnullis, sporis permagnis, androecio in ramulo proprio apicali. In ripa arenos. amnis Gothemsån ins. Gotland. — in litor. maris ad Fågelsvik et Othem insulae. (Cleve.) — Ins. Aland. (Bomansson.)

6) *Anomodon apiculatus B. S.* Dioicus, obscure viridis, ramis strictis subteretibus, obtusis, foliis e basi erecta ovato-cordata et auriculata patentibus, abrupte anguste lingulatis, obtusis, vulgo minute apiculatis, ad basin undulatis et spinoso-superne denticulato-papillosis, margine recto, nervo supra medium dissoluto, cellulis, praecipue auricularum, valde elevato-papillosis, capsula breviter pedicellata, cylindrico ovata, operculo breviter rostrato, annulo nullo. Rupes silic. mont Kissakallio ad Kaitas paroeciae Asikkala prov. Tavastland Fenniae. (Norrlin. Silén.) — Billingen. (Cleve.)

7) *Thuidium gracile B. S.* Autoicum repens, pallidoluteum, tenue, subpinnatum, paraphylliferum, caule dense radiculoso, foliis caulinis et rameis erecto-patentibus, profunde plicato-concavis, cordato-ovatis, abrupte subulato-acuminatis, acumine serrulato, margine revoluti, nervo in acumine sensim dissoluto, eisdem ramulinis ovatis, acuminatis, minus concavis, margine recto, superne serrato, bracteis perichaetii radicantis profunde plicatis, margine valde revoluti, integro, nervo crasso, in subula dissoluto, seta 1,5 cm. alta, capsula elliptica, operculo convexo-conico, alte acuteque mamillato. In radice arbor. prope Skarpneck ditionis Holmiae. (Lindb.)

(Schluß folgt.)

# ZOBODAT - [www.zobodat.at](http://www.zobodat.at)

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Hedwigia](#)

Jahr/Year: 1868

Band/Volume: [7\\_1868](#)

Autor(en)/Author(s): Milde Julius [Carl August]

Artikel/Article: [Literaturbesprechung 143-144](#)